



Na osnovu člana 8. Zakona o ministarskim, vladinim i drugim imenovanjima («Službene novine Federacije BiH», br. 12/03, 34/03 i 65/13) i tačke V Odluke o kriterijima za nominiranje/imenovanje direktora Kantonalnog stambenog fonda Sarajevo („Službene novine Kantona Sarajevo“, broj: 8/05) i Odluke o izmjeni Odluke o kriterijima za nominiranje/imenovanje direktora Kantonalnog stambenog fonda Sarajevo broj: 02-05-10130-26/17 od 16.03.2017.godine i broj: 02-05-11993-3/17 od 27.03.2017.godine, Ministar prostornog uređenja, građenja i zaštite okoliša, Kantona Sarajevo raspisuje

JAVNI OGLAS

za imenovanje na poziciju direktora Kantonalnog stambenog Fonda Sarajevo

1. Predmet Javnog oglasa:

Oglašava se pozicija:
Direktor Kantonalnog stambenog fonda Sarajevo.

2. Opis pozicije direktora Kantonalnog stambenog fonda Sarajevo

Kantonalnim stambenim Fondom Sarajevo (u daljem tekstu: Fond) rukovodi direktor.
Direktor Fonda:

- predstavlja i zastupa Fond u pravnom prometu s trećim licima i odgovaran je za zakonitost rada Fonda,
- izvršava odluke Upravnog odbora Fonda,
- predlaže planove rada i razvoja,
- rukovodi razvojem Fonda,
- predlaže Upravnom odboru donošenje općih i pojedinačnih akata Fonda,
- donosi pravilnik o radu, plaćama i drugim ličnim primanjima uposlenika Fonda,
- stara se o pravilnom i zakonitom materijalno-financijskom poslovanju Fonda,
- rukovodi stručnim i administrativnim poslovima Fonda,
- predlaže unutrašnju organizaciju i sistematizaciju poslova,
- vrši i obavlja druge poslove i zadatke u skladu sa zakonom, Odlukom o osnivanju Fonda i Statutom Fonda.

3. Opći uvjeti

Za direktora Fonda može biti nominiran/imenovan kandidat koji ispunjava slijedeće opće uvjete:

- da je državljanin Bosne i Hercegovine;
- da je stariji od 18 godina,
- da nije otpušten iz državne službe kao rezultat disciplinske mjere, na bilo kojem nivou u Bosni i Hercegovini (bilo na nivou države ili entiteta) u razdoblju od tri (3) godine prije dana objave upražnjene pozicije,
- da se na njega ne odnosi član IX.1. Ustava Bosne i Hercegovine,

- da nije osuđivan za kazneno djelo, privredni prijestup, nespojiv s dužnošću rukovodioca Fonda,
- da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u institucijama vlasti Bosne i Hercegovine («Službeni glasnik BiH», broj 16/02, 14/03, 12/04, 63/08 i 18/12).
- da nije na bilo kojoj funkciji u političkoj stranci.

4. Posebni uvjeti

Kandidati koji se imenuju/nominiraju na poziciju direktora Fonda moraju ispunjavati slijedeće posebne uvjete, i to:

- da posjeduje univerzitetsku diplomu (VII stepen), odnosno visoko obrazovanje prvog ciklusa (koji se vrednuje sa 240 ECST bodova) ili drugog ili trećeg ciklusa Bolonjskog sistema studiranja društvenog ili tehničkog smjera,
- da ima najmanje pet (5) godina radnog staža u struci,
- da ima komunikacijske i organizacijske sposobnosti kao i sposobnosti za timski rad,
- poznavanje jednog stranog jezika,
- da nema privatni - finansijski interes u Fondu za čijeg se direktora kandiduje,

5. Kandidovanje

Svi kandidati koji budu stavljeni na listu sa užim izborom, biće pozvani na intervju pred Komisijom za izbor.

Prije intervjuja kandidati su dužni dati podatke o ranijim neposrednim rukovodiocima od kojih se mogu dobiti preporuke i informacije o kandidatima i popuniti obrazac u kojem će iznijeti bilo koje pitanje ili mogućnost koja bi mogla dovesti do sukoba interesa u slučaju da dođe do njegovog imenovanja i na uvid Komisiji za izbor pokazati ličnu kartu.

Lični podaci o podnosiocima prijave su tajni i mogu se prikupljati i obrađivati samo u skladu sa Zakonom o zaštiti ličnih podataka («Službeni glasnik BiH», br. 49/06, 76/11 i 89/11).

Na Odluku o imenovanju direktora Fonda zainteresovana stranka može podnijeti prigovor na konačno imenovanje u skladu sa Zakonom o ministarskim, vladinim i drugim imenovanjima Federacije Bosne i Hercegovine.

6. Sadržaj prijave i spisak potrebnih dokumenata

Kandidati su dužni uz prijavu, koja sadrži kraću biografiju, adresu i kontakt telefon, priložiti originalne dokumente ili ovjerene fotokopije dokumenata (ne starije od 6 mjeseci), kao dokaz o ispunjavanju općih i posebnih uvjeta traženih ovim oglasom i to:

1. Uvjerenje o državljanstvu Bosne i Hercegovine,
2. Saglasnost (ovjerena izjava data kod nadležnog organa) da Ministarstvo po službenoj dužnosti može pribaviti uvjerenje da kandidat nije osuđivan za krivično djelo i za privredni prestup nespojiv sa obavljanjem dužnosti direktora Fonda,
3. Diploma o završenoj školskoj spremi,
4. Potvrda o radnom stažu u struci (potpisana i ovjerena od strane poslodavca),
5. Uvjerenje ili ovjerena izjava data kod nadležnog organa kojom se potvrđuje da kandidat nije otpušten iz državne službe kao rezultat disciplinske mjere, na bilo kojem nivou u Bosni i Hercegovini (bilo na nivou države ili entiteta) u razdoblju od tri (3) godine prije dana objave upražnjene pozicije,
6. Ovjerena izjava data kod nadležnog organa kojom kandidat potvrđuje da se na njega ne odnosi član IX.1. Ustava Bosne i Hercegovine,
7. Ovjerena izjava data kod nadležnog organa kojom kandidat potvrđuje da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u

institucijama vlasti Bosne i Hercegovine («Službeni glasnik BiH», broj 16/02, 14/03, 12/04, 63/08 i 18/12),

8. Dokaz o poznavanju jednog stranog jezika,
9. Ovjerena izjava data kod nadležnog organa kojom kandidat potvrđuje da nema privatni – finansijski interes u Fondu za čijeg se direktora kandiduje,

Prijave sa traženim dokumentima kao dokazom se dostavljaju lično ili poštom preporučeno, sa naznakom «**PRIJAVA NA JAVNI OGLAS ZA DIREKTORA KANTONALNOG STAMBENOG FONDA SARAJEVO– NE OTVARAJ**».

Prijave se dostavljaju na slijedeću adresu: **Ministarstvo prostornog uređenja, građenje i zaštite okoliša Kantona Sarajevo, Ul. Reisa Džemaludina Čauševića br. 1, Sarajevo.**

Oglas ostaje otvoren 15 (petnaest) dana od dana posljednjeg javnog objavljivanja.

Neblagovremene i nepotpune prijave neće biti razmatrane.

MINISTAR

Čedomir Lukić, dipl.ing.arh.



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029, Fax: + 387 (0) 33 562-031
Sarajevo, Reisa Džemaludina Čauševića 1

